
PRONTO BUKI
ENCUANTO E BERDADERO
HISTORIA DI DANDE DEN
CIRCULACION

ORANJESTAD(AAN) --
Dia 30 di December ultimo,
por a aprecia un documen-
tario na Tele Aruba tocante
nos historia di Dande.

Ta pa hopi aña, a tende
diferente version di e origen
di Dande.

Hopi confuso tambe tabata
e nomber di Dande cu tin
documentacionnan cu ta
bisa entre otro cu ta dandare,
dandara y parandea.

Den un entrevista cu Joy
Kock, el a duna di conoce na
DIARIO cu Dande ta e abbre-
viacion di e palabra spaño
"andando" pues canando, y
cu tempo a bira O-Dande.
Ay nobe tabata aña nobo.

Kock a mostra cu pa hopi
aña a haci hopi investi-
gacion ariba e cultura
Arubano te cu por a yega na
conclusionnan berdadero di
nos historia di Dande.

Dande a ser componi na
1860 pa Jan Leoncio Pieter
Koolman Junior na Cero
Alejandro, y awe despues di
5 generacion, keto bay e fa-
mia aki y henter Aruba a
continua cu nos Dande.

Joy Kock ta duna tur
credito y valor na Mario
Koolman, Eloy Koolman y
Teolindo Lopez pa nan
valioso contribucion pa cu e
documentario cu a pasa via
Tele Aruba fin di aña.

Tambe Joy Kock tin apre-
cio pa informacionnan ob-
teni via Arubiana, e sector
informativo di Biblioteca
Nacional.

Sra. Aura Croes, yiu di Mo-
tito y Maybeline Arends-
Croes nieta di Motito a
elabora ariba nos Dande y
costumbenan di antes.

Pro Video a realisa un bon
trabao di filmacion. Joy
Kock a informa DIARIO cu
trabaonan di investigacion
lo continua y cu tin den
preparacion un documen-
tario amplio di nos Dande y
cu un buki lo ser poni den
circulacion pa tur nos
schoolnan.